



14
1544
132



14
1544
132

全五代詩卷四十九

羅江李調元雨村編

前蜀

貫休三

壽春進祝聖七首

九天宮上聖降世共昭回萬景頌亭毓羣仙送下來承
 乾當否極庶事盡康哉祇有羲軒比其餘不可陪降干載降祥
 武宿與文星常知掌上擎孫吳機不動周召事多行時
 食爐烟細宵衣際月明還聞夔進曲吹出恭階平文有武隆
 及雷龍鱗動君臣首義深萬年軒后鏡一片漢高心址

全五代詩卷四十九
 羅江李調元雨村編
 前蜀
 貫休三
 壽春進祝聖七首

154
132

全五代詩卷四十九

羅江李調元雨村編

前蜀

貫休三

壽春進祝聖七首

九天上聖降世共昭回萬景須亭毓羣仙送下來承
 乾當否極庶事盡康哉祇有羲軒比其餘不可陪降干載
降祥
 武宿與文星常如掌上擎孫吳機不動周召事多行肝
 食爐烟細宵衣隙月明還聞夔進曲吹出泰階平文有
武備
 及雷龍鱗動君臣道義深萬年軒后鏡一片漢高心北

全五代詩

卷四十九

前蜀

一

伏皆輸欵南夷盡貢琛從茲千萬歲枝葉玉森森從諫如流
俟時兼待價垂棘出塵埃仄席三旌切移山萬里來烟
霞衣上落閭闔雪中開壽酒今朝進無非出世才搜揚草澤
天將興大蜀有道遂君臨四塞同諸子三邊共一心闕
婆香似雪迴鶻馬如林曾讀前皇傳魏魏冠古今守在夷
瞳瞳懸佛日天侯動雲韶縫掖諸生集麟洲羽客朝非
烟生玉砌御柳吐金條擊壤翁知否吾皇即帝堯大興三教
聲教無為日山呼萬歲聲隆隆如谷響合合似雷鳴翠
拔為天柱根盤倚鳳城恭惟千萬歲歲歲致昇平上呼萬歲

送諫官南遷

危行危言者從天落海涯如斯為遠客始是好男兒
瘴雜交州雨犀指馬援碑不知千萬里誰復識辛毗

觀李翰林真

誰氏子丹青毫端曲有靈屹如山忽墮爽似酒初醒天
馬難攏勒仙房久閉扃若非如此輩何以傲彤庭

晚泊湘江作

烟浪濛秋色高吟似有鄰一輪湘渚月萬古獨醒人岸
濕穿花遠風香禱廟頻祇應諛佞者到此不傷神

淮上逢故人

故園離亂後十載始逢君長恨南熏奏尋常只自聞荒

窗秋見岳赤地夜生雲莫歎謀身晚中興正用文

讀杜工部集

造化拾無遺惟應杜甫詩豈非元域索奪得古人旗日
月精華薄山川氣槩卑古今吟不盡惆悵不同時

題簡禪師院

機忘室亦空靜與沃洲同惟有半庭竹能生竟日風思
山海月上出定印香終繼後傳衣者還須立雪中

讀劉得仁賈島集

二公俱作者其奈亦迂儒且有諸峰在何將一第吁句
還如菡萏誰復贈襜褕想得重泉下依前與衆殊

天台老僧

獨住無人處松龕岳色侵僧中九十臘雲外一生心白
髮垂不剃青眸笑轉深猶能指孤月為我暫開襟

經費隱君舊宅

崦巖玉九株秀濕掩蒼梧祥瑞久不出羲軒消得無雨
和高瀑濁燒燿大楮枯到此思歸去迢迢隔五湖

秋末懷舊山

昔住匡廬北無人知姓名侵雲收穀粟引蟻上柑橙寒
雨雪兼落枯林虎獨行誰能將白髮共向此中生

寄僧野和尚

鳥外更誰親諸峰即四鄰白頭寒枕石青衲爛無塵
橡栗堆行徑猿猴遶定身倘然重結社願作掃壇人

寄馮使君

端居碧雲暮好鳥啼紅芳滿郭桃李熟捲簾風雨香清
吟繡段句默念芙蓉章未得歸山去頻升謝守堂

寄紫閣隱者

積翠藏一叟常思未得遊不知在巖下為復在峰頭苔
上枯藤荒泉林破石樓伊余更何事不學此翁休

春山行

重叠太古色濛濛花雨時好峰行恐盡流水語相隨
黑

壤生紅黍黃猿領白兒因思石橋月曾與故人期

春過鄱陽湖

百慮片帆下風波極目看吳山蕪鳥沒楚色入衣寒
過此愁人處始知行路難夕陽沙島上回首一長歎

秋末江行

四顧木落盡扁舟增所思雲衝遠燒出帆轉大荒遲天
際霜雪作水邊蒿艾衰斷猿不堪聽一聽亦同悲

題友人山居

下居鄰塢寺魂夢又相關鶴本如雲白君初似我閑月
明僧渡水木落火連山從此天台約來茲未得還

秋居寄王相公

松聲高似瀑藥熟色如花誰道全無病時猶不在家山
童春菽粉園叟送銀瓜那訪孫宏閣談元到日斜

送友人下第遊邊

失意窮邊去孤城值晚春黑山霞不赤白日鬼隨人角
咽胡風緊沙昏磧月新明時至公在回首莫因循

懷武昌樓一

風清江上寺霜灑月中礎得句先呈佛無人知此心寂
寥從鬼出蒼翠到門深惟有凌峯下時時獨去尋

寒食郊外

寒食將吾族相隨過石溪塚花沾酒落林鳥學人啼白
水穿蕪疾新霞出霧低不堪回首望家在赤松西

懷錢唐羅隱章魯封

二子依公子鷄鳴狗盜徒青雲十上苦白髮一莖無風
澁潮聲惡天寒角韻孤別離千萬里何以慰榮枯

桐江閑居作

不問賡桑子唯師妙吉祥等閑眠片石不覺到斜陽獨
自收櫛葉教童探柏瓢王孫莫指笑淡泊味還長

寄樓一上人

花塹接滄洲陰雲閉楚邱雨聲雖到夜吟味不如秋古

犀藏花鶴荒園聚亂流無機心便是何用話歸休

古塞下曲

下營依道甲分帥把河隍地使人心惡風吹旗燄荒搜
山得探卒放火獵黃羊唯有南飛雁聲聲斷客腸
歸去是何年山連邏沙川蒼黃爭戰地空濶養鷗天旗
插蒸沙堡槍檐卓架泉蕭條寒日落號令徹窮邊
虜寇日相持如龍馬不肥突圍金甲破趁賊鐵槍飛漢
月堂堂上胡雲慘慘微黃河水已合猶未送征衣
榆葉飄蕭盡關防烽寨重寒來知馬疾戰後覺人兇燒
逐飛蓬死沙生毒霧濃誰能奏明主功業已堪封

古塞上曲

幽并兒百萬百戰未曾輸蕃界已深入將軍仍遠圖
明風拔帳磧暗鬼騎狐但有東歸日甘從筋力枯
中軍殺白馬白日祭蒼蒼號變旗幡亂沙乾草木黃朔
雲含凍雨枯骨放妖光故國今何處參差近鬼方
久雨始無塵邊聲四散聞浸河荒寨柱吹角白頭軍戰
馬齧腥草烏鳶識陣雲征人心力盡枯骨更遭焚
地角天涯外人號鬼哭邊大河流敗卒寒日下蒼烟殺
氣諸蕃動軍書一箭傳將軍莫惆悵高處是燕然

送僧之靈夏

舊識為邊帥師遊勝事兼連天唯白草野餅有紅葢蕃
近風多鼓河渾磧半淹因知心似月處處有人瞻

江陵寄翰林韓偓學士

久住荆溪北禪關挂綠蘿風清閑客去睡美落花多萬
事皆妨道孤峯謾憶他新詩舊知己始為味如何

懷匡山山長

白石峯之半先生好在麼榜簾嘗哭瀑常恨不如他杉
罇龍涎溢潭均石髮多吾皇搜括于潭爭柰謝安何

晚春寄張侍郎

遐想涪陵岸山花半已殘人心何以遣天步正艱難鳥

聽黃袍小城臨白帝寒應知窗下夢日日到江干

黃袍鳥名

遇五天僧入五臺

雪嶺頂危坐乾坤四顧低河橫于闐北日落月支西水
石香多白猿猱老不啼空餘忍辱草相對色萋萋

秋寄李頻使君

務簡趣難陪清吟共綠苔葉和秋蟻落僧帶野香來留
客朝嘗酒憂民夜畫灰終期冒風雪江上見宗雷

送廬山衲僧

飛錫下崆峒清高世少獲凍天方篩雪別我去何邦燒
繞赤烏亥雲漫白蚌江路人爭得識空仰鬢眉龐

送人之嶺外

見說還南去迢迢有侶無時危須早轉親老莫他圖小
店蛇羹黑空山象糞枯三閭遺廟在為我一嗚呼

湖頭別墅

梨栗鳥啾啾高歌若自由人誰知此意舊業在湖頭飢
鼠掀菱殼新蟬避粟皺不知江海上戈甲幾時休

秋末長興寺作

荒寺古江濱莓苔地絕塵長廊飛亂葉寒雨更無人粟
不和皺落僧多到骨貧行行未得孤坐更誰親

避寇入銀山

草草穿銀峽崎嶇路未諳傍山為店戍永日繞溪潭燒
地生芑蕨人家煮偽蠶翻如歸舊隱步步入烟嵐

秋夜作因懷天台道者

萬事何須問良時即此時高秋半夜雨落葉滿前池靜
怕龍神識貧從草木欺平生無限事祇有道人知

邊上行

黑松林外路風角遠嗷嗷朔氣生荒堡秋塵滿病容豺
掎沙底骨人上月邊烽休作西行計西行地漸兇

登鄱陽寺閣

寺樓閑縱望不覺到斜暉故國在何處多年未得歸寒

江平楚外細雨一鴻飛終數於陵子吳山有綠微

送僧之安南

安南千萬里師去趣何長鬢有炎州雪心為異國香退
牙山象惡過海布帆荒早作歸吳計無忘父母鄉

送僧歸剡山

遠逃為亂處寺與石城連木落歸山路人初刈剡田荒
林猴咬栗戰地鬼多年好去楞伽子精修莫偶然

送僧入五洩

五洩江山寺禪林境最奇九年喫菜粥此事少人知山
鄉僧擔穀林香豹乳兜伊余頭已白不去更向之

旅中懷孫路

暮塵微雨收蟬急楚鄉秋一片月出海幾家人上樓砌
香殘果落汀草宿烟浮唯有知音者相思歌白頭

貽世

至理不誤物悠悠自不明黃金燒欲盡白髮火邊生苦
惑神仙讖難收日月精捕風兼繫影信矣不須爭

覽李秀才卷

香沐整山衣開君一軸詩吟當秋景苦味出雪林遲經
濟幾人到工夫兩鬢知因嗟和氏淚不是等閒垂

懷方干張為

冥搜入仙窟半夜水堂前吾道祇如此古人多亦然螢
沉荒塢霧月苦綠梧蟬因憶垂綸者滄浪何處邊

四皓圖

何人圖四皓如語話嘮嘮雙鬢雪相似是誰年最高溪
苔連豹褥仙酒汙雲袍想得忘秦日伊余亦合逃

懷白閣道侶

寒思白閣層石屋兩三僧斜雪掃不盡飢猿喚得應香
然一字火磬過數潭冰終必相尋去孤懷久不勝

讀孟郊集

東野子何之詩人始見詩清剗霜雪髓吟動鬼神司舉

世言多媚無人師此師因知吾道後冷淡亦如斯

懷四明亮公

孤峰含紫烟師住此安禪不下便不下如斯太可憐坐
侵天井黑吟久海霞驚豈覺塵埃裏干戈已十年

秋過錢塘江

巨浸東隅極山吞大野平因知吳相恨不盡海濤聲黑
氣騰蛟窟秋雲入戰城遊人千萬里過此白鬢生

上俞許二判官

近拋蓑笠者急善遇休明未省親宗伯焉能識正聲病
容經夏在岳夢入秋并無限林中意今逢許郭傾

懷劉得仁

詩名動帝畿身謝亦因詩白日只如哭皇天得不知旅
墳孤躑岳羸僕泣如見多少求名者聞之淚盡垂

歸故林後寄二三知己

昨別楚江邊逡巡早數年詩雖清到底人更瘦於前岸
翠連喬嶽汀沙入壞田何時重一見談笑有茶烟

春寄西山陳陶

搔首復搔首孤懷草萋萋春光已滿日君在西山西漸
水成文去庭柯擎翠低所思不可見黃鳥花中啼

送人歸新羅

昨夜西風起送君歸故鄉積愁窮地角見日出扶桑蜃
氣生初霽潮痕匝亂荒從茲頭各白魂夢一相望

思匡山賈匡

山兄詩癖甚寒夜更何為覓句為頑坐嚴霜打不知石
膏黏木屐崖蜜落水池近見禪僧說生涯勝往時

偶作

十載獨扃扉誰為二雅詩道孤終不雜頭白更何疑句
冷杉松與嚴霜鼓角知修心對閑鏡明月印秋池

贈方干

盛名與高隱合近謝敷村弟子已得桂先生猶灌園垂

全五代詩 卷四十九
綸侵海介拾句歷雲根白日昇天路如君別有門

漁父

一葉一竿竹眉鬚雪欲零陸應無祖業香必是伊腥見
亦名魚鷓歌稱我洞庭回頭深自媿舊業近滄溟

寄宋使君

寺倚烏龍腹窗中見碧稜空廊人画祖古殿鶴窺燈風
吼深松雪爐寒一鼎水唯應謝內史知此道心澄

懷武夷紅石子

常思紅石子獨自住山椒窗外猩猩語爐中妣妣嬌乳
香諸洞滴地秀衆峰朝曾見奇人說烟霞恨太遥

送人征蠻

七縱七擒處君行事可攀亦知磨一劍不獨定諸蠻樹
盡低銅柱潮常沸火山名湏麟閣上好去及瓜還

懷周朴張為

二子無消息多應各自耕巴江思杜甫漳水憶劉楨白
髮應全白生涯作麼生寄書長不達空念重行行

鄱陽道中作

鄱陽古岸邊無一樹無蟬路轉他山大碣驅鄉思偏湖
平帆盡落天淡月初圓何事堯雲下干戈滿許田
歸故林別知已

別離無今古柳色向人深萬里長江水平生不印心遠
書容北雁贈別謝南金覘勉青雲志余懷非陸沈

硯瓦

淺薄雖頑朴其如近筆端低心蒙潤久入匣更身安應
念研磨苦無為瓦礫看倘然仁不棄還可比珮玕

水壺子

良匠曾陶瑩多居筆硯中一從親几案常恐近見童卓
立澄心久提攜注意通不應嫌器小還有濟人功

筆

莫訝書紳苦功成在一毫自從蒙管錄便覺用心勞手

點時難棄身閑架亦高何妨成五色永願助風騷

碁

碁信無聲樂偏宜境寂寥著高圖暗合勢王氣彌驕人
事掀天盡光陰動地銷因知韋氏論不獨為吳朝

夜對雪作寄友生

皓彩中宵合開門失所蹤何年今夜意共子在孤峰氣
射燈花落光侵壁罅濃唯君心似我吟到五更鐘

題惠琮律師院

苦節兼青目公卿話有餘唯傳黃葉喻還似白泉居
撥孤雲破鐘撞衆木踈社壇蹤跡在重結復何如

寄清冷山道人

常憶清冷子深雲種早禾萬緣雖不涉一句子如何蹤
跡諸峰匝衣裳老虱多江頭無事也終日到烟蘿

秋盡途中作

行行芳草歇潭島葉紛紛山色路無盡石簷客強聞殘
陽曜極野黑水浸空墳那得無鄉思前程入楚雲

聞徵四處士

一詔羣公起移山四海聞因知丈夫事須佐聖明君白
酒全傾甕蒲輪半載雲從茲居諫署筆硯幾人焚

寄匡山紀公

錦繡谷中人相思入夢頻寄言無別事琢句似終身書
卷須求旨鬚根易得銀斯言如不惑千里亦相親

聞無相道人順世

一事不經營孤峰長老情惟餐橡子餅爰說道君兄池
藕香狸掘山神白日行又聞行脚也何處化羣生

苦熱

松挂枝不動陽鳥飛半天稻麻須結是沙石欲生烟毒
氣仍干扇高枝不立蟬舊山多積雪歸去是何年

鄂渚贈祥公

寂寥堆積者自為是高僧客遠何人識吟多冷病增松

烟青透壁雪氣細吹燈猶賴師於我依依非面朋

懷武昌樓一

常憶能吟一房連古帝墟無端多忤物惟我獨知渠病
愈囊空後神清木落初祇因烽火起書札自茲疎

送道士歸天台

道高留不住道去更何云舉世皆趨世如君始愛君徑
侵銀地滑瀑到石城聞他日如相憶金桃一為分

經孟浩然鹿門舊居二首

孟子終焉處遊人得得過橋深黃狹小地煥白雲多孔
聖嗟大謬元宗爭奈何空餘峴山色千古共嗟峨

花落谷鶯啼精靈安在哉青山不可問永日獨裴回塚
穴應藏虎荒碑祇見苔伊余亦惆悵昨日郢城迴

春送禪師歸閩中

春色滿三湘送師還故鄉穿霞逢黑鷓乞食得紅薑大
化宗門闢孤禪海樹涼倘為新句倡寄我亦何妨

途中逢周朴

東西南北路相遇共興衰世濁無知己予從何處來菊
衰芳草在程遠宿烟開倘遇中興主還應不用媒

避寇上唐臺山

蒼黃緣鳥道峰骨見樓臺檉桂香皆滴煙霞濕不開僧

高眉半白山老石多推莫問塵中事如今正可哀

題嶧桐律師院

律中麟角者高談出塵埃芳草不曾觸幾生如此來
聲風吹磬斷杉露滴花開如結林中社行余亦願陪

懷諸葛珏

諸葛子作者詩曾我細看出山因覓五踏雪去尋韓遇

郊韓愈于洛下諺獨哭不錯諸葛云思牽吳岫起吟索剡雲開常流以飲實難諸葛曾為僧名然有詩云到處

自鑿井不能飲常流知音知便了歸去舊江干

送沈侍郎

從知無遠近木落去闔城地入無諸俗冠我甲乙精山

多高興亂江直好風生儉府清無事唯應薦禰衡

題宿禪師院

身閑心亦然如此已多年語淡不著物茶香別有泉古
衣和蘚衲新偈幾人傳時說秋歸夢孤峰在海邊

秋晚泊石頭驛有寄

蕭索漳江北何人慰寂寥北風人獨立南國信空遙燒
塢新雲白漁家衆木凋所思不可見行雁在青霄

全五代詩卷五十

羅江李調元雨村編

前蜀

貫休

秋夜吟

如愚復愛詩木落即眠遲
忍苦香消盡更深筆尚隨
飢童春赤黍繁露灑烏裨
看却龍鍾也歸山是底時

桐江閑居作

木落雨脩脩桐江古岼頭
擬歸仙掌去剛被謝公留
猛燒侵茶塢殘霞照角樓
坐來還有意流水面前流

香刹通真觀樓臺倚郡城陰森古樹氣粗淡老僧情壁
畫連山潤仙鐘扣月清何須結西社大道本無生
靜室焚檀印深爐燒鐵瓶茶和阿魏煖火種柏根磬數
隻飛來鶴成堆讀了經何妨似支遁騎馬入青冥
詩琢冰成句多將大道論人誰知此意日日祇關門乳
鼠穿荒壁溪龜上淨盆因知無事貴言外更無言
紅黍飯溪苔清吟茗數杯祇應唯道在無意俟時來樹
疊藏仙洞山蒸足爆雷從他嫌復笑門更不曾開
塹鳥毛衣別頻來似愛吟蕭條秋病後斑駁綠苔深珠
翠籠金像風泉灑玉琴孰知吾所適終不是心心

憶在山中日為僧鬢欲衰一燈常到曉十載不離師水
汲冰溪滑鐘撞雪閣危從來多自省不學擬何為
囊非撲滿器門更絕人過土井連岡冷風簾迸葉多村
童頑似鐵山菜硬如莎唯有前山色窗中無奈何

寄馮使君

山風與霜氣浩浩滿松枝永日燒杉子無人共此時為
文攀諷諫得道在毫釐唯有桐江守常憐志不卑

經棲白舊院

竺卿何處去觸目盡淒涼不見中秋月空餘一炷香殘
花飄暮雨枯葉蓋啼螿誰禮新墳塔蕭條渭水旁

贈李祐道人

闡茸復埃塵難親復易親皆疑有仙術問著却愁人祇
是耽浮蟻曾云見泣麟相逢先合手渾似有前因

贈景和尚院

藏經看幾徧眉有數條霜萬境心都泯深冬日亦長窗
虛花木氣衲挂水雲鄉時說秋歸夢峰頭雪滿牀

上宋使君

折桂文如錦分憂力若春位高空倚命詩妙古無人有
感禾爭熟無私吏盡貧野人如有幸應得見陶鈞

離亂後寄九峰和尚二首

亂後知深隱菴應近石樓異香因雪歇仙果落池浮詩
老全拋格心空未到頭還應媿笑我世路獨悠悠
蕭灑復蕭灑松根獨據梧瀑冰吟次折遠燒坐來無老
櫻寒披衲孤雲靜入厨不知知我否已到不區區

送王貞白重試東歸

心苦酬心了東歸謝所知可憐重試者如折兩三枝雨
毒逢花少山多愛馬遲此行三可羨正值倒戈時

寄西山胡汾

待價欲要君山前獨灌園雖然不識面要且已消魂鹿
睡紅霞影泉淋白石門伊余心更苦何日共深論

寄赤松舒道士

余亦如君也詩魔不敢魔一餐兼午睡萬事不如他雨
陣衝溪月蛛絲罨砌莎近知山果熟還擬寄來麼

鄂渚逢楊贊禹

流浪兵荒苦相思歲月闌理唯通至道人或謂無端燒
猛湖烟赤窗空雪月寒知音不可見始為一吟看

別性空禪師

積翠迸一瀑紅霞碧霧開方尋此境去莫問幾時迴盪
槩入檐石思詩聞早雷唯師心似火欲近不然灰

送胡處士

不名兼不利相遇海西濱白字未干髮清時錯愛雲頭
巾多酒氣竹杖有苔文久積希顏意林中又送君

寄瀾公二首

小一頭應白孤高住歛城不知安樂否何以近無生燒
逼鴻行側風乾雪朕清途中逢此信珍重未精誠

荒亂拋深隱飄零遠寓居片雲無定所得力是逢渠洞

山道人云吾生獨自往處處得逢渠瀑灑羣公社江崩古帝墟終期再相見招

手復何如

送僧之湖南

湘水萬餘里師遊芳草生登山乞食後無伴入雲行宿

雨和花落春牛擁霧耕不知今夜月何處聽後聲

秋末寄張侍郎

靜坐黔城北離人半歲疆霧中紅黍熟燒後白雲香
病如何好無心去始長寂寥還得句溪上寄三張

古塞曲

單于烽火動都護去天涯別賜黃金甲親臨白玉除
塞垣靜謐師旅審安危定遠條支寵如今勝古時
方見將軍貴分明帶冕旒聖息如遠被狂虜不難收
臣節唯期死功勳敢望侯終辭脩里第從此上皇州
百萬精兵動參差便渡遼如何好白日亦照此天驕遠

樹深疑賊驚蓬迴似鷗凱歌何日唱磧路共天遙

南北惟堪恨東西寔可嗟常飛侵夏雪何處有人家
風刮陰山薄河推大岸斜祇應寒夜夢時見故園花

不是將軍勇胡兵豈易當雨曾淋火陣箭又中金瘡
鐵嶺全無土豺羣亦有狼因思無戰日天子是陶唐

萬戰千征地蒼茫古塞門陰兵為客崇惡酒發刀痕
風落崑崙石河崩首著根將軍更移帳日日近西蕃

白雁兼羌笛幾年垂淚聽陰風吹殺氣永日在青冥
遠戍秋添將邊烽夜雜星嫖姚頭半白猶自看兵經

帳幕侵奚界憑陵未可涯擒生行別路尋箭向平沙赤

落蒲桃葉香微甘草花不堪登龐望白日又西斜
山接胡奴水河連勃勃城數州今已伏此命豈堪輕磧
吼龍頭落風乾刁斗清因嗟李陵苦祇得沒蕃名
掃盡狂胡迹迴頭望故關相逢唯死鬪豈易得生還縱
宴參胡樂收兵過雪山不封十萬戶此事亦應閑
玉帳將軍意殷勤把酒論功高寧在我陣歿與招魂塞
色干戈束軍容喜氣屯男兒今始是讞出玉門關
回首隴山頭連天草木秋聖君應入夢半路遣封侯水
不擔陰雪柴令倒戍樓歸來麟閣上春色滿皇州

夜寒寄盧給事

刻羽流商否霜風動地吹邇來唯自惜知合是誰知
雪消難盡鄰僧睡太奇知音不可得始為一吟之

送葉蒙赴舉

年年屈復屈惆悵曲江湄自古身榮者多非年少時
空囊投刺遠大雪入關遲來歲還公道平人不用疑

聞王慥常侍卒

世亂君巡狩清賢又告亡星辰皆有角日月略無光
金柱連天折瑤階被賊荒令人轉惆悵無路問蒼蒼
宗社運微衰山摧甘井枯不知千載後更有此人無
政入龔黃甲詩輕沈宋徒受息酬未得不覺祇長吁

秋晚野步

藤履兼閩竹吟行一水傍樹涼蟬不少溪斷路多荒燒
岳陰風起田家濁酒香登高吟更苦微月出蒼茫

聞大願和尚順世

三室今如燧仍聞喪我師古容圖得否內院去無疑岳
鬼月中哭松龕雪次隳直須文五色始可立高碑

師稟盡名卿孤峰老稱情若遊三點外爭把七賢平苦
霧埋空室啼猿有咽聲今朝益惆悵曾沐下牀迎

師見即下牀迎云吾不敢以衆人相待也

明進士北齋避暑

相訪多衝雨由來德有隣卷簾繁暑退濕樹一蟬新道
在誰為主吾衰自有因祇應江海上還作狎鷗人

晚春寄吳融于競二侍郎

白頭為遠客常憶白雲間祇覺老轉老不知閑是閑花
含宜細雨室冷是深山唯有霜臺客依依是往還

喜不忍上人來

沃州那不住一別許多時幾度懷君夜相逢山夢遲瓶
擔千丈瀑倡是七言詩若向羅浮去伊余亦願隨

秋懷赤松道士

仙觀在雲端相思星斗寒常憐呼鶴易却恨見君難石

鑄青地濕風裡白菌乾終期花月下壇上聽君彈

送劉逖赴閩辟

誰知生涯盡依劉是見機從來吟太苦不得力還稀路
入閩山熟江浮瘴雨肥何須折楊柳相送已依依

苦雨中作

通宵復連夕其狀祇如傾却遣思山者忽然嫌水聲好
花飄草盡古壁欲雲生不奈天難問迢迢遠客情

送僧歸日本

焚香祝海靈開眼夢中行得達即便是無生可作輕流
黃山火著破石索雷鳴想到夷王禮還為上寺迎

有僧遊日本云

彼祇有三寺上寺名兜率國王供養中寺名浮上極品官人供養下寺名祇上寺風俗供養有德行即漸遷上也

贈信安鄭道人

貌古似蒼鶴心清如鼎湖仍聞得新義便欲註陰符點
化金常有閑行影漸無杳兮中便是應不食菖蒲

送智光禪伯

萬事歸一袖曹溪初去尋從來相狎輩盡不是知音乞
食林花落穿雲翠巘深終希重一見示我祖師心

送王穀及第後歸江西

太宗羅俊彥桂玉比光輝難得終須得言歸始是歸風
帆天際吼金鷄月中飛五府如交辟魚書莫便稀

送盧瞻罷廬陵幕歸閩鄉

文行成身事從知貴得仁歸來還寂寞何以慰交親芳
草色似動胡桃花又新昌朝有知己好作諫垣臣

聞李頻員外卒

蒼蒼難可問問答亦難聞落葉平津岸愁人李使君文
章應力竭茅土始天分又逐東風去迢迢隔嶺雲

閑居作

閑門微雪下慵惰計全成默坐便終日孤峰祇此清身
心閑少夢杉竹冷多聲唯有西峰叟相逢眼最明

寄山中伉禪師

舉世遭心使吾師獨使心萬緣冥自盡一句不言深野
火燒禪石殘霞照栗林秋風溪上路終願一相尋

懷匡山山長

見說面前峰尋常醉亦登雨餘多菌出燒甚古崖崩窺
句曾衝虎耕田半為僧聞名多歲也常恨不飛騰

懷高真動

知爾今何處孤高獨不羣論詩唯許我窮易到無文貴
酒現穿雪尋僧月照雲何時再相見兵寇尚紛紛

秋末入匡山船行八首

楚國茱萸月吳吟梨栗船遠遊無定所高卧是何年浪

卷紛紛葉墻衝澹澹煙去心還自喜廬岳倚青天
蘆葦深花裏漁歌一曲長人心雖憶越帆態似浮湘石
鰓銜魚白汀茅浸浪黃等閑千萬里道在亦無妨
島上離家化茅茨竹戶開黃桑雙鵲喜白日有誰來擔
澗澗秋芋綠灘取淨苔回頭深自媿舊業本蒿萊
匡阜層層翠修江疊疊波從來未曾到此去復如何水
廟寒鴉集沙村夕照多誰知垂釣者孤坐鬢皤皤
晚泊蒼茫浦風微浪亦粗估喧如亥合檣密似林枯地
峻湖無 潮寒蚌有珠東西無定所何用問前途
島香思賈島江碧憶清江囊橐誰相似饒慵世少雙鬢

鷺入窟月燒到繫船樁謾有歸鄉夢前頭是楚邦
南北雖無適東西亦似萍霞根生石片象跡壞沙汀菴
菴蒹葭赤微微蜃蛤腥因思范蠡輩未免亦飄零
曉色千樞去長江八月時雨涼山骨出棹擱岸形卑野
水畚田黑荒汀獨鳥癡如今是清世誰道出山遲

送僧歸華山

心枯衲亦枯歸岳揭空盂七貴留不住孤雲出更孤燒
灰獨湯足雪片似黏鬚他日如相覓還應道到吳

送令狐煥赴關

渚宮遙落日相送碧江湄陟也須為相天子更贊誰風

高橋力出霞熱鳥行遲此去多未客無忘慰所思

送陳秀才赴舉兼寄韓舍人

主聖臣賢日求名莫等閑直須詩似玉不用力如山草

白兵初息年豐駕已還憑將安養意一說向魯顏

生安養安養西方也

送友人及第後歸台州

得桂為邊辟翩翩頗合宜嫖姚留不住晝錦已歸遲鳥

側花藏虎湖心浪撼棊終期華頂下共禮淥身師

道猷坐化身淥也

寄景判官兼思州葉使君

獨住西峰半尋常欲下難石多桐屐麝香甚藥花乾在

苒新鶯老窮通亦自寬髯叅與短簿始為一吟看

送盧秀才應舉

幾載阻兵荒一名終不忘還衝猛風雪如畫冷朝陽

畫李白王昌齡常建冷朝陽日風雪入京句好慵將出囊空却不忙明年公道日去

去必穿楊

聞新蟬寄桂雍

新蟬終夜叫嘒嘒隔溪濱杜宇仍相雜故人聞不聞捲

簾花動月冥目砌生雲終共謝時去兩山鸞鶴羣

寄懷楚和尚二首

五言古詩

子嗣

上

吾師師子兒而復貌壞奇何得文明代不為王者師
鐵盂湯雪早石炭煮茶遲謾有參尋意因循到亂時
跳躑諸峯險回翔萬里空爭將金鎖鎖那把玉籠籠印
缺香崩火窗踈蝎喫風永懷今已矣吟坐雪濛濛

和宰相公話婺州陳事

昔事堪惆悵談元愛白牛

法華經以白牛喻大乘

千場花下醉一片夢

中遊耕避初平石燒殘沈約樓無因更重到且副濟川
舟

遇五天僧入五臺

十萬里到此辛勤詎可論唯云吾一祖見買給孤園一

月行沙磧三更到鐵門白頭鄉思在回首一銷魂
送迎經幾國多化帝王心電激青蓮目環垂紫磨金肩
根霜入細梵夾蠹難侵必似陀波利他年不可尋

秋寄李頻使君

為郎須塞詔當路亦馳驅貴不因人得清還似句無燒
煙連野白山藥撈階枯想得徵黃詔如今已在途

上東林和尚

讓紫歸青壁高名四海聞雖然無一事得不是要君道
祇傳伊字詩多笑碧雲應憐門下客餘力亦為文

江邊道士

獨住大江濱不知何代人藥鑪生紫氣肌肉似紅銀酒
醞竹屋爛符收山鬼仁何妨將我去一看武陵春

送僧之湖外

去肯趣非常春風爾莫狂惟擎一鐵鉢舊亦講金剛午
飯孤煙裏宵禪大石旁羨師終不及湘浪深茫茫

懷謬獨

常憶蘭陵子瓌奇敏渴才思還如我苦時不為伊來岳
霞孫擲雪湖月浪翻杯未聞霑寸祿此事亦堪哀

休糧僧

不食更何憂自由中自由身輕嫌衲重天旱為民愁應

噐誰將去生臺蟻不遊會須傳此術相共老山邱

題宏武和尚院兼呈杜使君

二雅兼二密悄悄祇自怡臘高雲袂朽貌古畫師疑塹
蟻緣金錫鑪烟惹雪眉仍聞有新作祇是寄相思

全五代詩卷五十一

羅江李調元雨村 編

前蜀

貫休 五

題令宣和尚院

軒窗領嵐翠
得世情
忘惟愛
談諸祖
曾經宿
大荒泉
聲淹卧榻
雲片犯
鑪香
寄語題
門者
看經在
上方

寄四明閻道士二首

淮海兵荒日
分飛
直至今
知擔
諸子出
却入
四明深
衣
必編
仙草
僧應
共粟
林秋
風溪
上路
應得
一相
尋

三千功未了大道本無程好共禪師好常將藥犬行石
門紅蘚剝柘塢白雲生莫認無名是無名已是名

經士馬中作

偷見成大寇處處起烟塵黃葉滿空宅青山見俗人妖
星芒刺越鬼哭勢連秦惆悵還惆悵茫茫江海濱

士馬後見赤松舒道士

滿眼盡瘡痍相逢相對悲亂階猶未已一柱若為支堰
茗蒸紅棗看花似好時不知今日後吾道竟何之

與劉象正字

獨居三島上在觀中住花竹映柴關道廣群仙惜名成萬事閑

病多惟縱酒靜極不思山唯有逍遙子時時自往還

懷智體道人

栖若思吾友庭鶯百轉時唯應一處住方得不相思雲
水淹門闌春雷在樹枝平生無限事不獨白雲知

贈晦公禪人

流陽為役者相訪葉紛紛有句雖如我無心未似君構
林青及竹茆屋暖於雲何日相將去千山麋鹿羣

寄靜林別墅胡進士兄弟

見說山居好書樓被翠侵燒燦汀島境月色弟兄吟犬
吠黃柀落牛歸紅樹深仍聞多白菌應許一相尋

懷赤松故舒道士

可惜復可惜如今何所之信來堪大慟余復用生為亂
世今交闢元宮玉柱隳春風五陵道迴首不勝悲

偶作

無端為五字字字鬢星星祇覺人情薄空餘鶴眼青
莎藏墜果窗雪浸殘經祇有歸山計茫茫何所營

春日許徵君見訪

龍鍾多病後日望遇昇平遠念穿嵩雪前林轉早鶯
厨香烹瓠葉道友叩門聲還似青溪上微吟踏葉行

經先主廟作

古廟積烟蘿威靈及物多因知曹孟德爭奈此公何
樹古靈痕剝碑荒篆畫訛今朝冥禱祝祇望息干戈

寄中條道者

柏梯杉影裏頭白藥山孫今古管不得是非爭肯論
虎鬚懸瀑滴禪衲帶苔痕常恨龍鍾也無因接話言

夏日晚望

登臨聊一望不覺意悵然陶侃寒溪寺如今何處邊
汀沙生早霧山火照平川終事東歸去干戈滿許田

大駕西幸秋日聞雷

軍書日日催處處起塵埃黎庶何由泰鑿輿早晚回
夏

租方減食秋日更聞雷莫道蒼蒼意蒼蒼眼甚開
言詩

經天緯地物動必計仙才幾處覓不得有時還自來
風含素髮秋色入靈臺吟向霜蟾下終須神鬼哀

秋末江上望

莽莽古江濱紛紛墜葉頻煙霞誰是主邱隴自傷神
併寧惟漢淒涼莫問陳盡隨流水去寂寞野花春

乞食僧

等鉢貌清羸天寒出寺遲朱門當大路風雪立多時
心常淨如麻事不知行人莫輕誚古佛盡如斯

寒望九峰作

九朵碧芙蓉王維圖未圖層層皆有瀑一一合吾居
雨歇如爭出霜嚴不例枯世猶多事在為爾久躊躇

薊門寒月作

薊門寒到骨戰磧鴈相悲古戍不勝雪嚴風欲斷鬚
清吟得冷句遠念失佳期寂寞誰相問迢迢天一涯

新蟬

尋常看不見花落樹多苔忽向高枝發又從何處來
清聲更揭月苦意彌哀多少求名者年年被爾催

寄廬山大願和尚

石上桂成叢師菴在桂中皆云習鑿齒未可扣真風雪
洗香鑪碧霞藏瀑布紅何時甘露偈一寄剡山東

追憶馮少常

盛德方清貴旋聞逐逝波令人翻不會積善合如何直
道登朝晚分憂及物多至今新定郡猶咏袴襦歌

聞閔廷言周璉下第

前榜年年見高名日日聞常因不平事便欲見吾君兄
弟居清島園林生白雲相思空悵望庭葉赤紛紛

讀賈區賈島集

區終不下島島亦不多區冷格俱無敵貧根亦似愚青

雲終歎命白閣久圍鑪今日成名者還堪為爾吁

送衲僧之江西

索索復索索無憑却有憑過溪遭惡雨乞食得乾菱祇
有山相伴更無事可仍如逢梅嶺旦向道祇寧馨

湖頭別墅

桑柘參桐竹陰陰一徑苔更無他事出祇有衲僧來壑
蟻爭生食窗經卷燒灰可憐門外路日起塵埃
南北如仙境東西似畫圖園飛青啄木簷挂白蜘蛛鄰
叟教脩廢牛童與納租寄言來往客不用問榮枯

三峽聞猿

歷歷數聲後寥寥渡白煙應栖多月樹况是下霜天萬
里客危坐千山境悄然更深仍不住使我欲移船

聞知聞赴成都辟請

文翁還化蜀帝幕列鷓鴣飲水臨人易燒山覓士難錦
機花正合梭葦火初乾知己相思否如何借羽翰

題淮南惠照寺律師院

儀冠凝寒玉端居似沃州學徒悟有鳳律藏目無牛茗
滑香黏齒鐘清雪滴樓還須結西社來往悉諸侯

寄杭州靈隱寺宋震使君

罷郡歸侵夏仍聞靈隱居僧房謝眺語寺額曷洪書

晉道
士書

洪與靈隱寺
額了去至今在

月樹獼猴在山池菡菹踈吾皇愛清靜莫使

結吾廬

送人歸夏口

鴈鴛葉紛紛行人豈易聞千山與萬水何處更逢君貌
不長如玉人生祇似雲倘經三祖寺一為禮龕墳

送新羅僧歸本國

忘身求至教求得却東歸離岸乘空去終年無所依月
衝陰火出帆撥大鵬飛想得還鄉後多應著紫衣

聞友人駕前及第

見心知命好一別隔烟波世亂無全士君方掇大科早

隨鑿輅轉莫戀蜀山多必負安時策忠言奈爾何
寒夜有懷同志

水夜殊不寐懷君正寂寥
鐘寒徧郭微雪靜鳴條
南省鴈孤下西林鶴屢招
終得謝時去與子住山椒

寄新定桂雍

獨自住烏龍應憐是衲僧
句須人未道君此事偏能塢
濕雲埋觀溪寒月照留相思
不可見江上立騰騰

贈靈鷲山道潤禪師院

常恨烟波隔聞名二十年
結為清氣引來到法堂前
薪拾紛紛葉茶烹滴滴泉
莫嫌來又去天道本泠然

海邊見羅鄴

清世詩聲出誰人得似君
命通須有日天未喪斯文
楚木寒連寺修江碧入雲
相思喜相見庭葉正紛紛

送僧之東都

之子之東洛囊中有偈新
紅塵誰不入獨鶴自難親
定鼎門連嶽黃河凍過春
憑師將遠意說似社中人

送于兢補闕赴京

亂離吾道在不覺到清時
得句下雪岳送君登玉墀
冷驚蟬韻斷涼觸火雲墮
倘遇南來使無忘問所之

送鄭準赴舉

兩河兵火後西笑見吾曹海靜三山出天空一鷲高
賃居槐搗屋行卷雪埋袍他日如相覓栽桃近海濤

秋望寄王使君

靜躡紅蘭徑憑高曠望時無端求句苦永日壑風吹大
月生峰角殘霞在樹枝祇應劉越石清嘯正相宜

送緣有禪師與雷處士入武夷山

師與雷居士尋山道入閩應將熊耳印別授武夷君
崖罅仙棺出江根毒草分他年相覓在莫苦入深雲

送友生入越投知己

才大終難住東浮景漸暄知將別是恨去擊李膺門宿

霧開花塢春潮入苧村預思秋薦後一鷲出乾坤

寄烏龍山賈泰處士

庭果色如丹相思夕照殘雲邊踏燒去月下把書看
澗水仙居共窗風漆樹寒吾君方側席未可便懷安

題大安寺通禪師院

應行諸岳徧象屐半無網一法尋常說此機仍未忘
窗閑藤影老衲厚瀑痕荒寄語迷津者來茲問不妨

春晚寄盧使君

滿郭春如畫空堂心自澄禪拋金鼎藥詩和玉壺冰
白雨飄花盡晴霞向閣凝寂寥還得句因寄柳吳興

武昌縣與晝公兼寄邑宰

小一何人識騰騰天地間尋常如一鶴亦不愛青山鐵
鉢年多赤麻衣帶毳斑祇聞尋五柳時到月中還

避地寄高蟾

荒寺雨微微空堂獨掩扉高吟多忤俗此貌若為飢旅
夢遭鴻與家山被賊圍空餘老菜子相見獨依依

懷武夷山禪師

萬疊仙山裏無緣見有緣紅心蕉繞屋白額虎同禪古
木苔封菌深崖乳雜泉終期還此去世事祇如然

秋末閑居作

幽居山不別落葉與階平蓋日吟詩坐無端箇病成
苔因旱赤池水入冬清唯有東峰叟相尋月下
行
偶作因懷大同道友

蠻木葉不落微吟漳水濱二毛空有雪萬事不如人
壑
水平芳草山花落淨巾天童好真伴何日更相親

江西再逢周璉

六七年不見相逢鬢已蒼交情終淡薄詩語更清狂
未
得丹霄便依前四壁荒但令吾道在晚達亦何妨

秋晚野居

僻居人不到吾道本來孤山色園中有詩魔象外興

禾連島赤烟草倚橋枯何必求深隱門前似畫圖

湖上作

我竟胡為者嘵嘵但愛吟身中多病在湖上住年深山
雷穿苔壁風鐘度雪林近來心更苦誰復是知音

送僧歸天台寺

天台四絕寺歸去見師真莫折枸杞葉乞他拾得嘆天
空聞聖磬瀑細落花巾必若雲中老他時得有鄰天台國清寺有

拾得花巾即波羅巾也

送僧入幽州

高士高無敵騰騰話入燕無人知爾意向我道非禪栗

徑穿著塚狼聲隔遠煙盤山多道侶應未有歸年

送僧遊五臺

美師遊五頂乞食值年豐去去誰為侶栖栖力已充濁
河高岸折衰草古城空必到華嚴寺憑師問辨公

送吳融員外赴關

漢文思賈傅賈傅遂生還今日又如此送君非等閑雲
寒猶惜雪燒猛似烹山應笑無機者騰騰天地間

全五代詩卷五十二

羅江李調元雨村 編

前蜀

貫休六

故林偶作

朗吟無一事孤坐澱江濱
媚世非吾道良圖有白雲
蠹魚開卷落啄木隔花聞
唯寄壺中客金丹許共分

寄栖白大師

流浪江湖久攀緣歲月闌
高名當世重好句逼人寒
月苦蟬聲頃鐘清柿葉乾
龍鍾千萬里擬欲訪師難



送人之渤海

國之東北角有國每朝天海力浸不盡夷風常宛然山
藏羅刹宅水雜巨鼇涎好去吳鄉子歸來莫隔年

寄李道士

常見高人說猶來不偶然致身同槁木話道出忘詮長
嘯仙鐘外眠楂海月邊倘修陰妣妣一望寄余焉

秋送夏郢歸錢塘

歸客指吳國風帆幾日程新詩陶雪字元髮有霜莖微
月生滄海殘濤傍石城從茲江島意應續子陵名

送僧歸翠微

祇衲一箇衲翠微歸舊岑不知何歲月即得到師心逕
遠千峰細菴開亂木深倘然雲外老他日亦相尋

懷洛下盧縉雲

一戒三張價幽居少室前豈應貧似我不得信經年木
落多詩稿山枯見墨烟何時深夜坐共話草堂禪

送李鈿赴舉

詩業務經綸新皆意外新因知登第榜不著不平人句
得孤舟月心飛九陌塵明年相賀日應到曲江濱

寶禪師見訪

山兄心似我岸谷亦難交不見還相憶來唯添寂寥茶

烟粘衲葉雲水透蘆葑因話流年事斯須不可拋
觀基

逸格格難及半先相遇稀落花方滿地一局到斜暉
禱
允死不死將軍飛已飛今朝慙一行無以造元微

題一上人經閣

鳥外何須去衣如蘚亦從但能無一事即是住孤峰
雨
歇雲埋閣月明霜灑松師心多似我所以訪師重

早秋夜坐

微涼砧滿城林下石床平髮豈無端白詩須出世清
鄰
僧同樹影砌月浸蛩聲獨自更深坐無人知此情

早起

夜坐還早起寂寥多病身神清尋夢在香極覺花新
樹
露繁於雨溪雲動似人又知何處客軋軋轉征輪

秋晚野步

閑步不覺遠蕭蕭木落初詩情拋閩闕江影動襟裾
閣
北鴈行出霞西雨脚踈金峰秋更好乞取又何如

晚望

曠望危橋上微吟落照前烟霞濃浸海川岳潤連天
白
鳥格不俗孤雲態可憐終期將爾輩歸去舊江邊

贈造微禪師院

全五代詩 卷五
蒼藹氣雍雍門深聖澤重七絲奔小蟹五字遇雕龍藥
轉紅金鼎茶開紫閣封圭峰爭去得卿相日憧憧

南海晚望

海上聊一望船帆天際飛狂蠻莫挂甲聖主正垂衣風
惡巨魚出山昏羣獠歸無人知此意吟到月騰輝

懷南岳隱士二首

千峰映碧湘真隱此中藏餅不煮石喫眉應似髮長風
裡支酒甕鶴蟲落琴床雖學忘機者斯人尚未忘
見說祝融峰擎天勢似騰藏千尋瀑布出十八高僧古
路無人跡新霞出石稜終期將爾叟一月中登

懷薛尚書兼呈東陽王使君

得力未得力高吟夏又殘二毛非自出萬事到詩難蟬
見木葉落雷將雨氣寒何妨槌琢後更獻至公看

送明覺大師兼寄鄭山人

去去楞伽子春深道路長鳥啼青嶂險花落紫衣香此
去非餘事還歸內道場憑師將潦倒一向說滎陽

廬山尋靈紀不遇

久別稀相見深山道益孤葉全離大朴君尚在新吳鐘
嘎聲飄驛山頑氣噴湖留詩如和得一望寄前途

懷盧延讓

時延讓
新及第

冥搜忍飢凍嗟爾不能休幾歎不得方到頭還白頭姓
名歸紫府妻子在滄洲又是蟬聲也如今何處遊

春晚訪鏡湖方干

幽居湖北濱相訪值殘春路遠諸峰雨時多擲覽人蒸
花初釀酒漁艇劣容身莫訝頻來此伊余亦隱淪

秋過相思寺

見說相思寺今來似有期瘴鄉終有出天意固難欺書
雨先花鳥秋雲挂戍旗故人多在蜀不去更何之

和韋相公見示閑卧

刻形求得相事事未嘗眠霖雨方為雨非煙豈是烟童

收庭樹果風曳案頭箴仲虺專為誥何充雅愛禪靜嫌

山色遠病是酒杯偏蠅響初穿壁蘭芽半出甑堂懸金

粟像相公常供養維摩居士門枕御溝泉旦沐雖頻握融惟孰敢褻德

高群彥表善植幾生前修補烏皮几深藏子敬檀扶持

千載聖瀟灑一聲蟬碁陣連殘月僧交似大顛韓吏部重

常知生似幻惟重直如弦餅憶萼羹茶思岳瀑煎祇

聞溫樹譽堪鄙竹林賢脫穎三千士馨香四十年寬平

開義路淡泞潤情田哲后知如子空王夙有緣對歸香

滿袖吟次月當川休說慙如捷克夫即梵天

壽春節進

金五代詩
聖運闢天紀龍飛古帝基振搖三蜀地聳發萬年枝出
震同中古承乾動四夷恩頒新命廣淚向舊朝垂大寶
歸元識殊祥出遠池法天深罔測體聖妙難知儉德為
全德無思契十思丕圖非力致英武恣天資正直方親
切回邪豈敢窺將排頗與牧相得稷蕙夔益出符真主
麟來合大規賡歌隨羽籥奕葉敷依祁寡歆情雖泰憂
民色未怡盛如唐創業宛勝晉朝儀盱食宮鶯囀宵衣
禁漏遲多於湯土地還有禹胼胝視物如傷日勝殘去
殺時守文情的的無逸戒孜孜軒項風重振皇唐鼎創
移始聞呈瑞石又報產靈芝覆轉高緣大包容妙在卑

兄呼春赫日師指佛牟尼佳氣宸居合淳風樂府吹急
賢彰帝業解網見天慈粟赤千千窖軍雄萬萬兜八蠻
須稽顙四海仰昌期玉輦嬪媵擁官花錦繡歆堯雲同
霰隼漢祖太驅馳氛祲根株盡澆訛朕兆隳山河方有
截野逸詔無遺境靜消鋒鏑田香熟稻糜夢中逢傳說
殿上見辛毗金鏡懸千古彤雲起四維盛行唐典法再
覩舜雍熙祝壽乾文動郊天太一隨煌煌還宿衛疊疊
叶聲詩飲醴和甘雨非烟遶御帷銀輪隨寶馬玉沼見
金龜杳杳聞韶獲重重降撫綏魏徵湏却出葛亮更何
之簡約逾前古昇平美不疑觸邪羊哈哈鼓腹叟嘻嘻

邁五方云大超三始見奇錦霞連紫極仙鳥下蛾眉謝
傳還為傳周師又作師納隍為永任從諫契無為子子
寰瀛主孫孫日月旗三春嗟壽域萬國盡虔祈捧日三
車子恭思八彩眉願將七萬歲匍匐進瑤瑤

寄天台道友

大是清虛地高吟到日晡水聲金磬亂雲片玉盤粗仙
有遺蹤在人還得意無石碑文不直壁畫色多枯冷立
千年鶴閑燒六一爐松枝垂似物山勢秀難圖紫府程
非遠清溪徑不迂馨香柏上露皎潔水中珠賢聖無他
術圓融只在吾寄言桐柏子珍重保之乎

讀元宗幸蜀記

宋璟姚崇死中庸遂變移如何遊萬里祇為一 見泣
濁乾坤色飄零日月旗火從龍關起淚向馬嵬垂始憶
張丞相全師郭子儀百官皆剽劫九廟盡崩隳塵撲銀
輪暗雷奔棧閣危倖臣方賜死野老不勝悲時有羣叟遮
道泣見於上
及雷飄淪日行宮寂寞時人心雖未厭天意亦難知聖
兩歸丹禁承乾動四夷因知納誦諍始是太平基

別盧使君

杜宇聲聲急行行楚水濱道無行政化行處傲孤雲幸
到膺門下頻蒙俸粟分詩雖曾引玉碁數中埋軍山好

還尋去思深豈易云扇風千里泰車雨九重聞晴霧和
花氣危檣鼓浪文終期陶鑄日再見信陵君

送高九經赴舉

回也曾言志明君則事之中興今若此須去更何疑志
列秋霜好忠言劇諫奇志列忠言
皆舊人也陸機遊洛日文舉薦衡
時虎跡商山雪雲痕岳廟碑夫君將潦倒一說向深知

東西二林寺流水

水爾何如此區區矻矻流墻邊常作墻
增邊瀝瀝砌下暗作
砌啾啾味不卑於乳聲常占得秋崩騰成大瀑落托出
深溝遠歷神仙窟高淋竹樹頭數家春碓磴幾處浴狷

猴共月穿峰罅喧僧睡石樓派通天宇潤霽入楚江浮
為潤知何極無邊始自由好歸江海裏長負濟川舟

劉相公見訪

千騎擁朱輪香塵豈是塵如何補袞客來看衲衣人莊
叟因先覺空王有宿因對花無俗態愛竹見天真歌枕
松窗迴題墻道意新戒師慙匪什都講更勝詢桃熟多
紅壘茶香有碧筋高宗多不寐終是夢中人

聞赤松舒道士下世

東陽未亂
前相別

地變賢人喪瘡痍不可觀一聞消息苦千種破除難陰
隲那虛擲深山近始安元關許兎角玉器珍鷄冠傲野

高難狎融怡美不殫冀迎新渥澤時太平左錄道業奏開徵出遽逐逝波

澗蛟殼埋金隧飛精駕錦鸞傾摧千仞壁枯歇一株蘭

仙廟詩雖繼苔墻篆必靴師善大小篆皆有詩題赤松子廟烟霞成片點松桂

著行乾影注溪流咽堂局隙月寒寂寥遺藥犬縹緲想

瓊竿伊昔相尋遠留連幾盡歡誦詩花作席灸菌葉為

盤彭仇心相似承禎趣一般琴婢溪月側基次砌雲殘

儵忽成千古飄零見百端荆襄吞浩浩吳越浪漫漫已

矣紅霞子空留白石壇無弦亦以絕回首一長歎

送吏部劉相公除東川

帝念梓州民年年戰伐頻山川草木烽火沒烟塵政

亂皆因亂安人必藉仁皇天開白日殷鼎輟誠臣一日

離君側千官送渭濱酒傾紅琥珀馬控白騏驎渥澤番

番降壺漿處處陳旌幢山色濕却棘鳥啼新帝幕還名

儉良醫始姓秦軍雄城似岳地變物含春白必侵雙鬢

清應誠四鄰吾皇重命相更合是何人

夜對雪寄杜使君

片片含天意紛紛勢莫拘灑於諸瑞後時有柏樹再生甘露頻降憂恐一

冬無鶴禁聲偏密風焦片益粗冷牽人夢轉清逼瘴根

徂掃徑僧傾笠為詩士棄爐橋高銀蟾竦峰峻玉浮圖

盈尺何須問豐年已可遥思郢中曲句句出水壺

送盧舍人朝覲

羶行無為日垂衣帝道亨聖真千載聖明必萬年明重
德須朝覲流年不可輕洪才傳出世清甲得高名罕玉
藏無映稽松畫不成起銜軒后勅醉別亞夫營燒潤荆
州熟霞新峴首晴重重堯雨露去去漢公卿白髮應從
白清貧但更清夢緣丹陛險春傍彩衣生既握鍾繇筆
須調傅說美倘因星使出一望問支鏗

上馮使君山水障子

憶山歸未得畫出亦堪憐崩岸全隳路荒村半有烟筆
勾岡勢轉墨捨燒痕顛遠浦深通海孤峰冷倚天柴棚

坐逸士露茗煮紅泉繡與蓮峰競威如劍閣牽石門關
塵鹿氣候有神仙茅屋書窗小苔階滴瀑圓松根擊石
朽杜葉蝕霜鮮畫出欺王墨肇將獻惠連新詩寧妄說
舊隱寔如然願似窗中列時聞大雅篇

避地毘陵上王愷使君

時黃賊陷東陽
公避地於浙右

至理至昭昭心通即不遙聖威無遠近吾道太孤標辛
苦蘇氓俗端貞荅盛朝氣高吞海岳貧甚似漁樵庾亮
風流澹劉寬政事超清須遭貴遇隱已被誰招粟塢修
禪寺仙香寄石橋風雷巡稼穡魚鳥合歌謠視事私終
殺憂民態亦彫道高無不及恩甚固難消大寇山難隔

孤城數合燒烽烟終日起湯沐用心焦勇義排千陣誅
勦擬一朝誓盟違日月時賊偽降盟書終背旌旆過寒潮古驛江雲
入荒宮海雨飄仙松添瘦碧天驥減豐臆似在陳兼衛
終為宋與姚已觀雲似鹿即報首皆梟盡願迴清鏡重
希在此條應憐千萬戶禱祝向唐堯

送崔尚書朝覲

至理契穹旻方生甫與申一麾歌政正三相賀仁人叵
似盧懷慎全如邵信臣澄潭消宿蠹煦爰劇陽春對客
烟花拆焚香渥澤新徵黃還有自令弟相公號當公遂避賢路也挽鄧住無
因峽水全輸潔巫娥却訝神宋均顏未老劉寵骨應貧

大醉辭王翦含香望紫宸三峰初有雪萬里正無塵伊
昔林中社多招席上珍終期仙掌下香火一相親

和毛學士文錫舍人早春

陋巷冬將盡東風細雜籃解牽窗夢遠先是澗梅諳茶
癖金鑪快舍人有茶譜松香玉露含書齋山帚撥盤饌藥花甘
雅得琴中妙舍人妙於七弦常按臉似酣雪消聞苦蟄氣候似宜
蠶密勿須清甲朝歸遠碧潭丹心空拱北新作繼周南
竹杖無斑點紗巾不著簪大朝名益重後進力皆覃至
理雖亡一臣時亦說三不知門下客誰上宴嬰駮

送姚洎拾遺自江陵幕赴京

捧詔動征輪分飛楚水濱由来真廟器多作伏蒲人捨
魯知非願朝天不話貧沙頭千騎送島上一蟬新莫使
身侵貴無矜貴逼身玉階凝正色蘭苑漲芳塵鑿輅方
離華東書漸似秦流年飄儵忽書札莫因循涼雨鳴紅
葉非烟閉紫宸憑將西社意一說向荀陳

贈抱麻劉舍人

郡政今良吏門風古縉紳萬年唐社稷一箇哭麻人憤
烈身先死敷敷氣益貞天平資大寶泰矣見忠臣得罪
鍾多故投荒豈是述王寒方重澀松古更清斂鵬鷲寧
唯白龍多豈止荀道孤梳有雪思重淚盈巾喻蜀須憑

草成周必仗仁三峰宵旰切萬里渥恩新賦鵬言無累

依劉德有鄰風期仁祖帽鼠訝史雲塵禪叟知何幸元

談有宿因雙溪逢陸海東陽見故浙西侍郎荆渚遇平津江陵見吏部相公落

口愁聞笛何人為吐茵生徒希匠化寰海仰經綸疾愈

蟬聲老時公在荊州閑居夏疾方可年豐雨滴頻劉虬師弟子時喜一相

親

送僧入石霜

舉世祇堪吁空知與道俱論心齊至聖對鏡破凡夫業

王如雲合頭低似箭駟牛頭大師云猶妄心起業業如雲俱合論云入地獄人頭向下也三清徒

妄想千載亦須臾唯我流陽叟深雲領毳徒盡騎香白

象皆握月明珠寂寞排松榻爛斑半雪鬚苔侵長者論
嵐蝕祖師圖翠巘金鐘曉香林寶月孤熒熒齊白趾赫
赫共洪爐山色鋤難盡松根蹋欲無難評傳的的須到
不區區撩舍新羅瘦爐烟榭粗燒畚平虎窟分瀑入
香厨師去情何切人間事莫拘穿林宿古塚蹋葉喝空
盂無事終無事令枯便令枯他年相覓在亦不是生蘇

送杜使君朝覲

借寇借不得清聲徹帝聰坐來千里泰歸去一囊空遺
愛封疆熟板轅草木同路遙山不少江靜思無窮花舸
衝烟濕朱衣照浪紅援毫兩岸曉倚枕滿旗風道罕將

人合心難與聖通從茲林下客應□代天功

全五代詩卷五十三

羅江李調元雨村

編

前蜀

賈休

七

獻錢尚父

貴逼人來不自由
龍驤鳳翥勢難收
滿堂花醉三千客
一劍霜寒十四州
鼓角揭天嘉氣冷
風濤動地海山秋
東南水作金天柱
誰羨當時萬戶侯

陳情獻蜀皇帝

河北江東處處災
唯聞全蜀勿塵埃
一餅一鉢垂垂老

千水千山得得來秦苑幽樓多勝景已歛陳貢媿非才
自慙林藪龍鐘者亦得親登郭隗臺

大蜀皇帝潛龍日述聖德詩五首

嶽瀆殊祥日月精入堯金鏡佐休明衣嚴黼黻皇恩重
劔折芙蓉紫氣橫玉璣金湯山岳峻花藏臺榭管弦清
已聞圖上凌煙閣寵渥穹隆玉不名

珠履三千侍玉除宮花飄錦早鶯初雖然周孔心相似
其奈龔黃政不如浩浩歌謠聞禁掖重重襦袴滿樵漁
若論朝野難難日第一之功美有餘

紫髯青眼代天才韓白孫吳稍可陪祇見赤心堯日下

豈知真氣梵天來聽經瑞雪時時落登塔天花步步開
盡祝莊椿同壽考人間歲月豈能催

丈夫勛業正乾坤麟鳳龜龍盡在門西伯最憐耕讓畔
曹參空愛酒盈樽心慈爲受金仙囑髮白綠酬玉砌恩
從此于門轉高大可憐子子與孫孫

壽春節進大蜀皇帝五首

上元大帝降坤維箕尾爲臣副聖期豈比赤光盈室日
全同白象下天時文經武緯包三古日角龍顏遏四夷
今日降神天上會願將天福比須彌

異香滴露降紛紛紫電環樞照禁門先冠百王臨億兆

後稱十號震乾坤義軒之道方爲道草木沾恩始是恩
今以謏才歌睿德猶如飲海妙難論

茂祉遐宣勝事并薰風微入舜弦清四洲不必歸王化
一統那能計聖情合合鼓鐘膏雨滴峩峩宮闕瑞煙橫
西逾昆岳東連海誰不梯山賀聖明

積劫修來似煉金爲皇爲帝萬靈欽能當濁世爲清世
始見君心是佛心九野黎民耕浩浩百蠻朝騎日駸駸
今朝獻壽將何比願似莊椿一萬尋

蜀王登福感寺塔三首

天資忠孝佐金輪香火空王有宿因此世喜登金骨塔

前生應是育王身封疆歲暮笙歌合襦袴正初錦繡新
釋子沾恩無以報祇擎章句貢平津

似聖悲增道不窮憂民憂國契堯聰兩髯有雪丹霄外
萬里無塵一望中南照微明連莽蒼峨嶺擁秀接崆峒
林僧歲月知何幸還似支公見謝公

步步層層孰可陪相輪邊日照三台喜歡丞庶皆相逐
惆悵鑾輿尚未迴金鐸撼風天樂近仙花含露瑞煙開
一年一度常如此願見文翁百度來

少監三首

器琢仙珪美有餘席珍國寶比難如銜花乳燕看調瑟

衣錦佳人侍讀書荀氏門風龍變化謝家庭樹玉扶踈
卽期寰海隆平日歸佐吾皇侍玉除

益友相隨益自強趨庭問禮日昭彰袍新宮錦干人目
馬駿桃花一巷香偏愛曾顏終必及或如韓白亦無妨
八龍三虎森如也萬古千秋瑞聖唐

具體而微太少年鳳毛五色帶非煙倚天長劍看無敵
遶樹號後已應弦接士開襟清聖熟分題得句落花前
卽應出將傳家法聖澤恩波浩浩然

到蜀與鄭中丞相遇

深隱猶爲未死灰遠尋知己已過三台如何麋鹿郡中出

又見鷓鴣天上來劍閣霞粘殘雪在錦江香甚百花開
謾期王謝來相訪不是支公出世才

東陽罹亂後懷王愷使君五首

昨來祇對漢諸侯勝事消磨不自由裂地鼓鼙軍火急
連天烽火陣雲秋吹毛淬劍雖無數軟血為盟不到頭

誰為今朝奉明主使君司戶在隨州

時黃巢奔許公勳士勇救萬
禦押于軟血連西而渠魁詐

降都將連城爲盟違約遂於成
地當不與衢睦抗守同腹中也

口報精兵過大河東西南北殺人多可憐白日渾如此
來似蝗蟲爭奈何天意豈應容叛亂人心都改太凋訛
不勝惆悵還惆悵一曲東風月勝歌

魄懾魂飛骨亦銷此魄此魂亦難招黃金白玉家家盡
繡闥雕甍處處燒驚動乾坤常黯慘深藏山岳亦傾搖
恭聞國有英雄將擬把何心答聖朝
不是龔黃覆育才即須清苦遠塵埃無人與奏吾皇去
致亂唯因酷吏來剝削生靈爲事業巧通豪讚作梯媒
令人轉憶王夫子一片真風去不迴

灞陵戰叟

劍利秋水鬚梳霜迴首胡天與恨長官竟不封右校尉
鬪曾生挾左賢王尋班超傳空垂淚讀季陵書更斷腸
今日灞陵陵畔見春風花霧共茫茫

再到鍾陵作

六七年來到豫章舊遊知己半凋傷春風還有花千樹
往事都如夢一場無限邱墟侵郭路幾多臺榭浸湖光
祇應唯有西山色依舊崔巍上寺牆

經弟妹墳

淚不曾垂此日垂山前弟妹塚離離年長於吾未得力
家貧拋爾去多時鴻衝紫塞霜中斷蕙雜黃蒿塚上哀
恩受苦情拋未得不堪回首步遲遲

別馮使君

瓦礫文章豈有媒兩三年祇在金臺本師頭白須歸去

太守門清願再來
皓皓玉霜孤鴈遠
蕭蕭松島片帆開
從茲林下終無事
唯祇焚香祝上台

上新定宋使君

禪坐吟行誰與同
杉松共在寂寥中
碧雲詩裏終難到
白藕花經講始終
水壘山層擎草蔬
砧清月苦立霜風
十年勤苦今酬了
得句桐江識謝公

和李判官見新榜爲兄下第

失意荆枝滴淚頻
陟岡何翅不知春
心中歧路平如砥
天上文章妙入神
休說宋風迴鷁首
即看雷火燎龍鱗
從茲相次紅霞裏
留取方書與世人

送羅鄴赴許昌辟

方得論心又別離
黯然江上步遲遲
不堪迴首崎嶇路
正是寒風敝錯時
羨似邴超終有日
去依劉表更何疑
前程不少南飛鴈
聊寄新詩慰所思

酬張相公見寄

周郎懷抱好知音
常愛山僧物外心
閉戶不知芳草歇
無能唯擬住山深
感通未合三生石
騷雅歡擎九轉金
但似前朝蕭與蔣
老僧風雪亦相尋

酬周相公見贈

三界無家是出家
豈宜拊鳳觀新麻
幸生白髮逢今聖

曾夢青蓮映玉沙
境陟名山烹錦水
睡忘東白洞
平茶
吉敬手繡段攀金鼎
謝眺餘霞始是霞

對雪寄新定馮使君二首

仙掌空思歸未能
焚香冥日對殘燈
豈知瑞雪千山合
空覺春寒半夜增
翳月素雲埋粉堞
堆巢孤鶴下金繩
因思太守憂民切
吟對瓊枝喜不勝
政化由來通上靈
豐年祥瑞滿窗明
氣嚴坐久燈凝皎
片大更深屋作聲
飄掩煙霞何處去
欹斜杉竹向簾傾
雪中林中客雖無事
還有新詩半夜成

送劉相公朝覲二首

九苞仙瑞曜垂衣
一品高標百辟師
魏相十思常自切
曹溪一句幾生知
久交玉帳雖難別
須佐金輪去已遲
唯杜荊州最惆悵
柳門迴首落花時
急徵祇是再登庸
生意人心萬國同
變理久徵殷傳說
譚真欲過李元通
程穿峴首春光老
馬速商於曙色紅
從此龍顏又應瘦
寰瀛俱荷代天功

避寇遊成福山院

成福僧留不擬歸
獼猴菌嫩豆苗肥
那堪蠶月偏多雨
况復衢城未解圍
時孫端國通衢城數月
翠擁槿籬泉亂入
雲開花鳥雉雙飛
堪嗟大似悠悠者
祇向詩中話息機

別李常侍

楚水和煙海浪通又擎杯錫去山東道情雖擬攀孤鶴
詩業那堪至遠公夢入深雲香雨滴吟搜殘雪石林空
朱門再到知何日一片征帆萬里風

送鄭閣赴閩辟

便便書腹德無鄰健筆從知又入閩鸚鵡才須歸紫禁
真珠履不稱清貧武夷山夾仙霞薄螺女潭通海樹春
從此應多好消息莫忘江上一閑人

寄信州張使君

水壇榿殿地含煙領鶴行吟積翠間數閣涼颺終日去

滿懷明月上方還時求自有鸞鸞識道在從如草木閑
唯羨靈溪賢太守一塵清坐似深山

春末寄周璉

暮角含風雨氣暝寂寞芙蓉翠上衣巾道情不向鶯花薄
詩意自如天地春夢入亂峰仍履雪吟看芳草祇思人
手中孤桂月中在來聽泉聲莫厭頻

讀吳越春秋

猶來吳越盡須慙背德違盟又信讒宰嚭一言終殺伍
大夫七事祇須三功成獻壽歌飄雪誰愛扁舟水似藍
今日雄圖又何在野花香徑無喃喃

春遊靈泉寺

水蹴危梁翠擁沙鐘聲微徑入深花
嘴紅澗鳥啼芳草頭白山僧自杵茶
松色摧殘遭賊火水聲幽咽落人家
因尋古跡空惆悵滿袖香風白日斜

春

自來自去動洪鑪無象無私無處無迴
鴈不多消氣力染花應最費工夫
溟濛便恨豪家惜濃暖深爲政筆駢
莫訝相逢只添睡伊余心不在榮枯

遇道者

馬骨松筋風貌殊不言名姓絕榮枯
尋常藜杖九衢裏

莫是商山一皓無身帶煙霞游汗漫
藥兼神鬼在葫蘆只應張果支公輩
時復相逢醉海隅

贈鍾陵陳處士

否極方生社稷才唯譚帝道鄙梯媒
高吟千首精怪動長嘯一聲天地開
湖上獨居多草木山前頻醉過風雷
吾皇仄席求賢久莫侍徵書兩度來

懷鄰叟

常思東溪阮翁是非不解兩頰紅
桔槔打水聲嗶嗶紫芋白蕪肥濛濛
鷗鴨靜遊深竹裏兒孫多在好花中
千門萬戶皆車馬誰愛如斯太古風

贈軒轅先生

曾親文景上金鑿語共蓉城語一般久向紅霞居不出
若非清世見應難滿鑪藥熟分仙盡幾局碁終看海乾
略問先生真甲子只言弟子是劉安

偶作因懷山中道侶

是是非非竟不真桃花流水送青春姓劉姓項今何在
爭利爭名愁殺人畢竟輸他常寂默只應贏得苦沈淪
深雲道者相思否歸去來兮湘水濱

送新羅人及第歸

桂香和紫禁煙遠鄉程徹巨壑邊莫言挂席飛連夜

見說無風即數年衣上日光真是火島旁魚骨大於船
到鄉必遇來王使與作唐書寄一篇

送新羅衲僧

扶桑枝西真氣竒古人呼為師子兒六環金錫輕擺撼
萬仞雪嶠空參差枕上已無鄉國夢囊中猶挈石頭碑
南出石頭大師劉
珂郎中作碑文也多慙不便隨高步正是風清無事時

春晚桐江上閑望作

江上車聲落日催紛紛擾擾起紅埃更無人望青山立
空有帆衝直色來沙鳥似雲鐘外去汀花如火雨中開
可憐瀟灑鴟夷子散髮扁舟去不迴

高山道者

五千言外得元音石屋寒栖隔雪林多傍松風梳綠髮
只燒崖藥點黃金潭澄龍氣來縈砌月冷星精下聽琴
曾夢先生非此處碧桃溪上紫烟深

聞許崇及第因寄桂雍

時清道合出塵埃清苦為詩不仗媒今日桂枝平折得
幾年春色併將來勢扶九萬風初極名到三山花正開
更有平人居蟄屋還應為作一聲雷

澱江秋居作

無事相關性自攄庭前拾葉等閑書青山萬里意不足

好竹數竿涼有餘近看老經加澹泊欲歸少室復何
面前小沼清如鏡終養琴高赤鯉魚

上縉雲段使君

清畏人知人未盡知縉雲三載得宣尼活民刀尺雖無象
出世文章豈有師木氣芝香粘甕榼雲痕翠點滿旌旗
今朝暫到金臺上頗覺心如太古時

春末蘭溪道中作

山花零落紅與緋汀煙濛茸江水肥人擔犁鋤細雨歇
路入桑柘斜陽微深喜東州云寇去不知西符幾時歸
清平時節何時是轉覺人心與道違

野居偶作

高淡清虛即是家何須須占好煙霞無心於道道自得
有意向人人轉賒風觸好花文錦落砌橫流水玉琴斜
但令如此還如此誰羨前程未可涯

鷺鷥有懷

前東陽王使君
養鷺鷥名珥花

粉魄霜華為爾枯駕鴛鴦相伴更堪圖愛來沙島遺銀屋
終作金籠養雪鷓栖宿必多清瀨夢品流還次白鵞徒
今朝不覺頻回首曾伴瑤花近玉壺

秋夜懷嵩少因寄洛中舊知

鑪爇旃檀不稱貧霏霏玉露濕禪巾紫金地上三更月

紅蕩香中一病身少室少年偏入夢多時多事去無因
如今憔悴頭成雪空想嵯峨羨故人

避地毘陵寒月上孫徽使君兼寄東陵王使君三

首

一到毘陵心更勞冷吟閑步擁雲袍豈緣思妙塵埃少
自是風清物態高野色疎黃連楚甸故山奇碧隔河橋
終須惠谷中安寘不是人間好羽毛

常憶雙溪入詠前講詩論道按清賢文欺白鳳真難及
藥撚紅蕖豈偶然花濕瑞煙粘玉磬簾垂幽鳥啄苔錢
自憐不是悠悠者吟爵真風二十年

轟雷陣雨滴階聲寂寞焚香獨閉局錦繡文章無路達
袴襦歌詠隔牆聽松聲冷浸茶軒碧苔點狂吞衲線青
唯有孤高江太守不忘病客在禪靈

秋末寄上桐江馮使君

山東山色勝諸山謝守清高不可攀薄俗盡于言下泰
苦心唯到醉中閑香凝錦帳抄書後月轉棠陰送客還
野客靈恩歸未得蕭蕭霜葉滿柴關

上盧使君二首

一領彤弓下赤墀准將清淨作藩籬馬卿山岳金相
張緒風情柳不如當作心染煙霞新句出筆驅好畫

墮鄱陽黎庶還堪羨頭有重天足有甃

司馬遷文亞聖人三頭九陌碾香塵盡傳棗葉麟兼鳳
終作昌朝甫與申樓聳嬌歌疎雨過風含和氣滿城春
因知寰海昇平去又見高宗夢裏人

因欲... 羅江李調元雨村 編

全五代詩卷五十四

羅江李調元雨村 編

前蜀

貫休八

陪馮使君遊六首

于霄亭

擁翠捫蘿山屐輕飄飄紅旆在青冥仙科朱紱言非貴
溪鳥林泉癖愛聽古桂林邊碁局濕白雲堆裏茗煙青
因思廬岳彌天客手把金書倚石屏

靈泉院

珂珮喧喧滿路歧，亂泉聲裏扣禪扉。
對花語合希夷境，坐石苔黏黼黻衣。
鳥啄古杉雲冉冉，風吹清磬露霏霏。
惠巖亦有孤峯在，只戀繙經未得歸。

相思嶺

譽自馨香道自怡，相思嶺上却無機。
荒渠葉覆深霞在，片石人吟一鳥飛。
何處風砧傳古曲，誰家塚樹挂斜暉。
因思往事真堪笑，鶴背漁竿未是歸。

錦池墩

臨水登山興自奇，錦沙墩上最多時。
雖云髮白孤峯好，其奈名清聖主知。
草媚蓮塘容逸步，雲生松壑有新詩。

翛然別是神仙趣，豈羨東山伎樂隨。

釣罾潭

境靜江清無事時，紅旌畫鷁動漁磯。
心期只是行春去，日暮還應待鶴歸。
風破綺霞山寺出，人歌白雪島花飛。
自憐亦在僊舟上，玉浪翻翻濺草衣。

迎仙閣

澗香霞影遶樓臺，捲箔凭闌耳目開。
况從旌旗近鸞鳳，可憐談笑出塵埃。
火雲不入長松徑，露茗何須白玉杯。
誰道迎仙仙不至，今朝還有謝公來。

感懷寄盧給事二首

絲絲遠念近來多喜鵲隨函到綠蘿雖匪二賢曾入洛
忽驚六義減沈疴童扳鄰杏隳牆瓦燕啄花泥落砌莎
好更因人寄消息沃州歸去已蹉跎
常憶團圓繡像前東歸經亂獨生全孤峯已住六七處
萬事無成三十年每想苑牆危逼路更思鉢塔曉凌煙
如今憔悴荆枝盡一諷來書一愴然

遊金華山禪院

茲地曾棲菩薩僧旃檀樓殿瀑崩騰因知境勝終難到
問著人來悉不曾斜谷暗藏千載雪薄嵐常翳一龕燈
多慙不及當時海又下嵯峨一萬層

宿赤松山觀題道人水閣兼寄郡守

珠殿香輶倚翠稜寒樓吾道寄孫登豈應肘後終無分
見說仙中亦有僧雲斂石泉飛險竇月明山鼠下枯藤
還如華頂清談在因有新詩寄鄭宏

春遊涼泉寺

一到涼泉未擬歸迸珠噴玉落階墀幾多僧祇因泉在
無限松如潑墨爲雲壑含香啼鳥細茗甌擎乳落花渥
青山看著不可上多病多慵爭柰伊

經吳宮

夫差昏暗霸圖傾千古淒涼地不靈妖艷思餘宮露濁

忠臣心苦海山青蕭條陵隴侵寒水彷彿樓臺出杳冥
此是前車况非遠六朝何更不惺惺

送薛侍郎貶峽州司馬

得罪唯驚恩未酬夷陵山水稱閑遊人如八凱須當國
後到三聲不用愁花落扁舟香冉冉草侵公署雨脩脩
因人好寄新詩好不獨江東有沃州

將入匡山宿韓判官宅

一宿蘭堂接上才白雲歸去幾裴回黛青峯朵孤吟後
雪白猿兒必寄來簾卷茶煙榮墮葉月明碁子落深苔
明朝江上空迴首始覺清風不可陪

聞迎真身

四海無波八表臣恭聞今歲禮真身七重鑠未開金鑰
五色光先入紫宸丹鳳樓臺飄瑞雪岐陽草木亞香塵
可憐優鉢羅花樹三十年来一度春

送鄭侍郎騫赴闕

文章國器畫琅玕朝騎駸駸歲欲殘彩筆祇宜天上用
繡衣偏稱雪中看休驚斷鴈離三楚漸入祥煙下七槃
翰苑舊知憑與說紫金輪畔寄書難

上盧使君

一別旌旗已一年二林真子勸安禪常思雙戟華堂裏

還似孤峯峭壁前步出林泉多吉夢帆侵分野入祥煙
自憐酷似隨陽鴈霜打風飄到日邊

寄匡山大願和尚

一聽元首下竹亭却思窗雪與囊螢祇將清淨酬恩德
敢信文章有性靈夢歷山林聞鶴語吟思海月上沙汀
不堪回首滄江上萬仞廬峯在杳冥

別盧使君歸東陽二首

雨氣濛濛草滿庭式微吟劇更誰聽詩逢匠化唯貪住
日覺恩深不易銘心苦祇應消鬢黑夢遊頻入倚天青
從茲還似歸回首唯祝台星與福星

家在嚴陵釣渚旁細漣嘉樹拂窗涼難醫林藪煙霞癖
又出芝蘭父母鄉孤帆好風千里暖深花黃鳥一聲長
終期金鼎調羹日再近尼邱日月光

溪寺水閣閑眺因寄宋使君

溪水蕭條一凭闌玉霜飛後浪花寒釣魚船上風煙暝
古木林中砧杵乾至竟道心方始是空眺山色亦無端
誰如太守分憂外時把西經盡日看

春送趙文觀送故合州座主神禩歸洛

喜繼于悲錦水東還鄉仙騎却尋嵩再燒良玉堯雲動
方報深恩絳帳空遠道靈輿春欲盡亂山羸馬恨無窮

他年必立吾君側好把書紳答至公

題某公宅

宅成天下借圖看始笑平生眼力慳地占百灣多是水
樓無一面不當山荷深似入苔溪路石怪疑行鴈蕩間
只恐中原方鼎沸天心未遣主人閑

海覺禪師山院

人言海覺老宗師隱絕層巔世莫知青草不生行道跡
白雲常護坐禪扉六環金錫飛來後一派銀河瀉落時
借問天心能濟物龍門風電捲天池

悼張道古

昭宗時道古官拾遺以直諫貶蜀中死

清河逝水大悠悠東觀無人失至公天上君恩三載隔
鑑中鸞影一時空墳生苦霧蒼茫外門掩寒雲寂寞中
惆悵斯人又如此一聲蠻笛滿江風

寄題詮律師院

以下見統鑑

錦溪光裏聳樓臺師院高凌積翠開深竹杪聞殘磬盡
一茶中見數帆來焚香只是看新律幽步猶疑損綠苔
莫訝題詩又東去石房清冷在天台

寄天台葉道士

負局高風不可陪玉霄峯北置樓臺注參同契未將出
尋柳栗僧多宿來颼撼松風山棗落閒閑溪鳥木花開

終須肘後相傳好莫便乘鸞去不迴

送道友歸天台

蘚濃苔濕冷層層珍重先生獨去登氣養三田傳未得
藥非八石許還曾雲根應狎玉谷子月逕多尋銀地僧
太守苦留終不住可憐江上去騰騰

山居詩二十四首并序

愚咸通四五年中於鍾陵作山居詩二十四章
放筆藁被人將去厥後或有散書于屋壁或吟
咏於人口一首兩首時時聞之皆多字句舛錯
洎乾符辛丑歲避寇於山寺偶全獲其本風調

野俗格力低濁豈可聞於大雅君子一日抽毫
改之或留之除之修之補之却成二十四首亦
斐然也蝕木也既山謳之例也或作者氣合始
為一朗吟之可也

休話誼譁事事難山翁只合住深山數聲清磬是非外
一個閑人天地間綠圃空階雲冉冉異禽靈草水潺潺
無人與向羣儒說岩桂枝西亦好板
難是言休即便休清吟孤山玉碧溪頭三間茆屋無人到
十里松陰獨自遊明月清宗炳社夕陽秋色庾公樓
修心未到無心地萬種千般逐水流

萬境忘機是道華碧芙蓉裏日空斜幽深有徑通仙窟
寂寞無人落異花掣電浮雲具好喻如龍似鳳不須誇
君看江上英雄塚只有松根與栢槎
難後從他素髮兼湧清奔碧冷侵簾高竒章句無人愛
澹泊身心舉世嫌白石橋高吟不足紅霞影暖卧無厭
居山別有非山意莫錯將予比宋纖
慵甚嵇康竟不迴何妨方寸似冰灰山精日作兒童出
仙老時將玉器來筠帚掃花驚鹿地壚燒樹帶枯苔
不行朝市多時也許史金張安在哉
心心不住希夷石屋巉巖白豔垂養竹不除當路筍

爰松留得礙人枝焚香開卷霞生砌捲箔冥心月在池
多少故人頭盡白不知今日又何之
五嶽煙霞連不斷三山洞穴去應通石窗敲枕踈踈雨
水碓無人浩浩風童子念經深竹裏彌猴拾蠶夕陽中
因思往事拋心力六七年來禁水東
塵埃中更有埃塵時復雙眉十為顰賴有年光飛似箭
是何心地亦稱人回賢參孝時時說蜂蠆狼貪日日新
天意剛容此徒在不堪惆悵不堪陳
翠竇煙巖畫不成桂華瀑沫雜芳馨撥霞掃雪和雲母
掘石移松得茯苓好鳥傍花窺玉磬嫩苔和水沒金餅

從他人說從他笑地覆天翻也只寧

嵐嫩風輕似碧紗雪樓金箔以隔煙霞葛苞玉粉生香壠

茵簇銀釘滿淨植舉世只知嗟逝水無人微解悟空花

可憐擾擾塵埃裏雙鬢如如事似麻

千巖萬壑路傾欹杉檜濛濛深獨掩扉斷藥童穿溪磬去

採花蜂冒曉煙歸閑行放意尋流水靜坐支頤到落暉

長憶南泉好言語如斯癡鈍者還稀

南泉大師云學道之人癡鈍者難得

一菴冥目在穹冥菌枕松牀蘚障青乳鹿暗行檉徑雪

瀑泉微濺石樓經閑行不覺過天井長嘯深能動岳靈

應恐無人知此意非凡非聖獨醒醒

慵刻芙蓉傳永漏休誇麗藻鄙湯休且為小圃盛紅粟

別有珍禽勝白鷗拾栗遠尋深澗底弄獲多在小峯頭

不能更出塵中也百煉剛為統指柔

業薪心火日燒煎浪死虛生自古然陸氏稱龍終妄矣

漢家得鹿更空焉白衣居士深深說青眼胡僧遠遠傳

剛地無人知此意不堪惆悵落花前

露滴紅蘭玉滿畦閑拖象屐到峯西但令心似蓮花潔

何必身將槁木齊古壘細煙紅樹老半岩殘雪白猿啼

雖然不是桃源洞春至桃花亦滿蹊

自休自己自安排常願居山事偶諧僧採樹衣臨絕壑

金華山出樹衣僧多採為蔬菜味極美也

狄爭山果落空階開擔茶器緣青嶂靜
衲禪袍坐綠崖虛作新詩反招隱出來多與此心乖

石鑪金鼎紅蕖嫩香閣茶棚綠巘齊塢燒崩騰奔澗鼠
岩花狼籍關山雞蒙莊環外知音少阮籍途窮肯趣低
應有世人來覓我水重山疊幾層迷

自古浮華能幾朝逝波終日去滔滔漢王廢苑生秋草
吳王荒宮入夜濤滿屋黃金機不息一頭白髮氣猶高
豈知知足金仙子霞外天香滿毳袍

如愚何止直如泣只合深藏碧嶂前但見山中常有雪
不知世上定何年野人愛向菴前笑赤纓頻來袖畔眠

只有逍遙好知己何須更問洞中天

支公放鶴情相似范泰論交趣不同有念盡為煩惱相
無私方稱水晶宮香焚蒼蘆諸峯曉珠拍金剛萬境空
若買山資言不及恒河沙劫用無窮

好鳥聲長睡眠開好茶擎乳坐莓苔不聞榮辱成番盡
只見熊羆作隊來詩裏從前欺白雪道情終遣似嬰孩
由來此事知音少不是真風去不迴

鳥外塵中四十秋亦曾高挹漢諸侯如斯標致雖清拙
大丈夫兒合自由紫木黃菁苗戢戢錦囊香麝語啾啾
終須心到曹溪叟千歲檟根雪滿頭

龍藏琅函遍九垓霜鍾金鼓振瓊臺堪嗟一句無人得
遂使吾師特地來無角鐵牛眠少室生兒石女老黃梅
令人轉憶龐居士天上人間不可陪

騰騰兀兀步遲遲兆朕消磨只自知龍猛金膏雖未作
孫登土窟且相宜薜蘿山帔偏能縵椽栗年糧亦且支
已得真人好消息人間天上更無疑

此詩見於...
大公於...
只不...

龍藏取函遍九坊窮鍾金鼓振靈臺
一勾無人得
遂飲香師持地來無角鐵牛眠
少室生兒石女老黃梅
令人轉憶龐居士天上人間不可陪

騰騰元元步達達兆朕清塵只自知
龍猛金膏雖未作
孫登土窟且相宜
薛蘿山帳偏能縉
椽栗年糧亦且支
已得真人好消息人間天上更無疑

